

10240.119
41
9

列
女
二

311

10240.119
41
9

10240.119
41
9

10240.119
41
9

10240.119
41
9

目錄 30

節孝

范太恭人傳

貞烈陳十姑傳

陳氏高孺人傳

陳氏童孺人傳

從嫂荀孺人行實

葛將軍妾

何經文妻呂氏

童孺人家傳

美聚公配何孺人傳

家訪稿

陶思永公配施氏傳

壽羅氏像贊

壽羅氏事畧

讀壽夫人事畧有感

越畹女史小傳

越畹女史諫

小螺盦病榻憶語書後

皇清誥封一品夫人胡母憚太夫人墓誌銘

蔡元培王母朱夫人家傳

馬星聯代其兄星輝字春生為幼妹淑婉徵詩啟

沈汝準先生暨德配駱安人合傳

秋瑾

秋案全稿

旅滬蘇紳上江督蘇撫公函

葬秋被累詳記

改葬秋墓

秋怨之結局

秋瑾遺稿

節孝

會稽儒士沈芳桂妻范氏年二十四而寡至八十歲故守節五十八年乾隆二十七年浙江巡撫莊有恭具題請

旌

會稽儒士沈紹珍妻朱氏年三十三而寡至六十二歲故守節三十年嘉慶年間請

旌

會稽儒士沈鳳彩妻胡氏年十九而寡至五十九歲故守節四十一年道光十年浙江巡撫富呢揚阿彙題請

旌

會稽邑庠生沈德懋妻張氏年三十七而寡至六十二歲故守節

結興縣志採訪稿

二十六年道光十七年浙江巡撫烏爾恭額附題請

旌

會稽邑庠生沈堂妻商氏年二十一而寡至七十六歲故守節五十六年道光十八年浙江巡撫烏爾恭額彙題請

旌

會稽儒士沈枏妻王氏年二十二而寡現存年七十二歲咸豐五年浙江巡撫何桂清彙題請

旌

會稽儒士沈皋樞妻謝氏年三十而寡現存年六十二歲同治六年浙江巡撫馬新貽彙題請

旌

會稽儒士沈希曾妻秦氏年二十九而寡至五十七歲故守節二十九年同治四年浙江巡撫馬新貽彙題請旌

以上見會稽沈氏家譜卷五

九世范太恭人傳

太君姓范氏贈中憲大夫常青沈公之配封中憲大夫紹炯之母
今直隸天津道承業候選布政司經歷昌業候選從九品恒業之
祖母也十六于歸二十四而寡告終年八十一歲保一綫之系而
身見其興可謂賢婦人矣常青公素羸弱以攻舉業成失心病翁
羽儀公客江廣亦得疾隸太君竭力營甘旨求葯餌衣不解帶者
累年羽儀公父子先後即世太君毀不欲生以姑刘宜人勸勉顧
膝前一子一女無所屬銜哀治喪棺殮皆如礼匱篋所有典賣盡
傾未幾刘宜人亦去世家止一婢鬻之以資殯葬目是浙朱析薪
浣滌縫紉之役皆身兼之一門哀薄無期功之助賴其父厚齋公
時加存恤遂遷玉府莊依范氏以居然太君以城居舊宅為祖宗

紹興縣志採訪稿

所遺每家忌必從數十里外返祭于寢雖風雨無愆期有微漏輒
加修葺忍餓不肯以一椽予人中憲公既長善治生王府莊田廬
畢具而太君率兩孫隸城俾親師友老屋風歌一燈課讀恬如也
後承業中鄉舉揀選為縣令由懷柔擢宛平除東路同知辛丑夏
陞保定府秋九月奉

恩旨補授天津道乙巳春陳情乞養奉

旨終養昌業克崇文門掾五年期滿額駙忠勇公福嘉其誠奏令
留辦

特賜七品頂戴恒業亦得官隨中憲公權什一之利當太君八秩
時子婦率孫婦女及曾孫婦女嚴粧垂佩再拜為壽內外男女二
十餘人繞膝牽衣歡聲如沸閭黨姻婭及郡縣長吏向起居不絕

於門太君輟然曰未亡人始願豈及此今乃可以報先人于地下矣太君勤儉貞淑出于天性尤深明大義兩世窶窶皆手自封土不以貽後人祭必誠潔紙鏹皆親製雖篤老不廢治命以建宗祠增祀產為厲家人化之故承業兄弟雖貴婦孺皆布素躬庖馔無敢言分異者乾隆二十七年巡撫採節行以聞奉
旨旌表旋遇

覃恩承業請以己階貤封祖父母常青公贈中憲大夫太君贈恭人皆如制聖臺昔在都下知承業在為赤縣有聲比又與昌業交得數聞太君之賢並讀中憲公所著行述因齋沐而為之傳太君城居課孫時薪米皆有限制宗人之薪徹爨下者予之自掃落葉以炊有族姪假被絮被為粵裝約寒至則返及冬爽約太君忍寒

紹興縣志採訪稿

而寢中憲公偵知之始言其故此昌業所告予者又其軼事耳世再姪平聖臺頓首拜撰

見會稽沈氏家譜卷七

貞烈陳十姑傳

十姑余季妹也幼聰穎知大義就余問字一過不忘性情婉順家庭無間言咸豐丁巳先君棄養越兩年而伯兄又喪時迭遭大故又迫寇氛以故未遑議字也辛酉九月粵匪陷紹城倉皇取梯與余同匿廚屋上凡三晝夜值霖雨衣履沾濡苦不可耐乃復下詣後園小屋中母所泣訣而賊歛來妹驚竄往投于池池水淺不得死賊去乃起越日賊又来搜括妹終恐不免由前門自沈于河時同弱者二人賊拯一人起虜之去而妹見遺鄰嫗援之出為之易上下衣慰譬之曰天下份：有何皂白且姑娘孀弱不死安知不有富貴在後乎妹搖首不語至夜潛飲鹽酒而卒年二十五歲余乃置其屍於後園隙地賊平後即於其處用棺殮瘞之由善

紹興縣志卷之四

後局彙詳題奏奉

旨欽旌貞烈嗚呼死難者多矣若其一念

堅忍至再至三而卒伸其志則當世名公鉅卿猶難之況一弱女子哉余不才不能建坊道左為妹揚不朽名因修宗譜為誌其顛末如此後之覽者其亦哀斯苦志也夫兄亮采謹述

見越城江橋
陳氏宗譜

陳氏高孺人傳

會稽太學生陳公珏之配曰高孺人以盛年矢志撫孤成家聞於鄉子曰士鑑遺腹兒也乾隆四十二年大吏上其事於朝奉

俞旨旌表如例賚金建坊入祠賜祭鄉人益艷稱之為之傳曰孺人高氏山陰太學生望臣長女本孺家訓明大体年及笄黽陳相夫子以敬治相內事等次井：家故有田業不自豐鉛華服飾不御烹飪浣汲必身先婢僕晨起盥潔奉高堂視膳洗腆夜則侍寢至漏永不倦以為常淑和致祥喜怒不形於色諸姑婦妯之問雍：如也乾隆辛未夏陳公疾病且革孺人先是得一女尚未有子時方五月娘耳公謂孺人曰吾病幾別殆与汝永別有三大事不瞑目堂上母老一汝娘未卜子女二以汝青年孱弱家道非淺

結與陳公

鮮難保無欺陵者三吾死將何以慰吾地下孺人泣曰君勿憂人孰無病未必不赴設萬不幸而脫於算君母我母也陳氏世德相繼及君益厚多善行知君之必將有後也承宗祧支門戶勿墮先人基業君在則萬事有君君不在則當以身代君不敢輕身以從君于地下是吾志也越日公歿又越五月而士鑑生于時家勢孤懸制哀順變撫懷中無父兒一脈如倭愛護凜：然若擎徑寸珠若顧黎器盛盈膏而行危梯若傳火者冒風交于遮擁屏氣不息每上堂則強顏承侍不敢涉死者一語恐傷遺姑之心姑老善病飲食嗜好先意營備未嘗失時而撫摩搔抑起居扶掖非孺人弗為良也姑歿後与諸伯姒共治喪葬如礼比士鑑稍長為延名師晚黽自塾燃一缸坐士鑑其旁洛誦率漏三嚴相与勞勩遇課讀

稍懈輒為作色加飭或述先人酸楚語深督勵之士鑣由是感憤
進業倍於常兒歲計所儲有羨資賜恤族戚屢以婚喪貧乏告者
無不應蓋樂善出天性云家庭出入無鉅細悉力經紀持籌握算
百度修整禮無外愆職不內廢卒以積勞成羸不獲享其遐年女
嫁子未婚而孺人以疾終士鑣勤讀書立身砥行恂、儒雅見推
於鄉黨承母教也論曰嘗讀諸史列女傳所紀貞節事多矣而保
遺腹以成家者不數、觀焉今陳氏節母具懋德慷慨有大度觀
其對陳公臨歿教言豈非烈然偉大夫哉古語曰為善無不報而
遲速有時又曰節孝之後必有賢達顯榮之子然則天之報施孺
人其餘慶未有艾也

崇乾隆五十一年丙午閏秋朔日同里宗聖垣謹撰

見趙城江橋
陳氏宗譜

陳氏章孺人傳

先嫂章孺人系出會邑章新畬公余兄錦川公配也秉性淑烈無巾幗柔靡氣家人上下咸憚之生三子咸豐辛酉九月寇氛日警因命長子正穀出居于鄉叔即舉家遷避而城遽淪陷兄嫂及二姪倉皇出避城東東大池隙地越宿賊屠至嫂度不免泣謂兄曰君其率二子自覓生路毋顧我也遽沈于水兄惶駭欲救不得俟夜昇屍至岸側欲掩埋之苦獨力不舉乃止越十餘日兄復至其地則屍猶不腐顏色如生乃陰誌之是時城中賊踪充斥丁壯輒被虜老弱遭殺戮兄既与二姪失散二姪則隨老嫗流離伏竄幾作餓殍余在鄉踪跡得之乃設法入城以二姪出不久兄亦逸歸為言嫂殉節狀癸亥春郡城克復兄復履其處則荒草叢雜骸骨

紹興縣志卷之四

縱橫唯叢棘中卷髮猶存上繫素絲簪飾依稀可認蓋服余母喪猶未闋也遂于池畔掘坎埋之是年秋兄亦病歿余欲建碑誌其處則蔓草荒烟一望皆是未識掩埋者在何處也嗚呼經鄉人高侍御延祐題奏奉 旨欽旌節烈 賜祀山陰節孝祠有司

春秋致祭如例嗚呼榮矣夫弟壽康謹述

越城江橋
陳氏宗譜

從嫂荀孺人行實 清華學誠撰

孺人荀氏考乘龍其先山西人後家京師有三子四女孺人其季也荀故饒於資孺人於諸女中最慧為父母鍾愛服食玩好必當其意比歸兄垣業逮事君姑陳太君太君閨範號嚴肅而家兄又貧孺人安之操習若出寒素寢門起居君姑未嘗不色喜云吾宗自瑞生公寄籍京師至兄四世總功族屬往來輦下多依兄以居遠客飢寒兄輒為指劃孺人於宗族之誼尤加意焉澣紵縫紉食飲安處雖拮据百端務為盡心使人若忘其身之在逆旅者族子廷杞芳濱族孫汝楠輩每言孺人至於感涕自乾隆二年丁巳家君下禮部第及今學誠肄業際子學前後皆館兄孺人以其備近待之有加三十年如一日故學誠知孺人最深孺人之始歸也未

紹興縣志採訪稿

嘗知間外事見屋瓦不輯叢生青艸輒喜告陳太孺人曰是稷稷者殊佳哉新婦見家殊不見此太孺人之為解頤已而習知艱辛躬親操作君姑所需莫不應時而給由是君姑愛之無何兄家益貧菽梁數合日再炊不能下咽沃以水使少柔滑奉姑不能時得肉則與屠肆立質券割豚烹鮮以供非時積久券滿不償往往售奩以抵自甘菲糲尺絲寸帛不敢自專又天性好潔一衣數十年采色不變今大殮附身猶遺嫁物也君姑晚年得口齒疾已而轉劇食物义牙口狹隘孺人每黎明起跪抱進食引匕俟咽良久乃下度一餐既需炊斗粟多許時始得舒膝蓋半年之間有度無解矣君姑且卒勉慰之曰新婦事吾良苦吾無以報願吾死後冀兒稍撐達新婦得數年從容償今日勞瘁足矣王舅戴璜公有側室

陳君姑以其無出而守志嘗與共甘苦孺人尤敬禮之顧老而嗜酒引醉輒罵孺人遇之如常後陳病風痺漉便輒遣孺人親與拂除未嘗稍倦陳始好佛誓齋及病輒索酒肉孺人勉給食而躬自茹蔬曰事必有終吾以代其亂其生平不信浮屠氏雖家貧無肉食未嘗一日自名齋也家君辛未謁選得應城邀兄偕行時孺人有二女長數歲幼方五月食指六七人家無次丁宗戚或旦夕不相問而兄實以貧甚漠然無所向愴惶投五千錢為宿舂旦暮且去已又不能自決則又嘆曰不幸為殍命也遂去不能復顧孺人則屏當簪珥先易薪米隨時撙節以佐緩急當是時孺人仲兄聿修官江南通州稅使稍稍贍給之而從女適任肇元為鄴州典史亦時周其乏故所餘一二奩物猶得與質庫權子母搗柱歲月艱

紹興縣志採訪稿

苦備歷云孺人生平以言假貸為恥歲時姻婭會集有談米鹽瑣屑及錢貨鄙事者輒引去如避臭穢始來兄家見居貧歸寧無一言及家事以故十餘年荀氏不知章氏之豐約最後兩家婢子較論他事漸見根底家人聞之始相與嘆息然荀氏家亦漸裕不如前稅使君與孺人兄妹故相得及是反賴其濟兄遊三年乃歸則手出一小冊自稅使君及剡城女侄所贈外若六親饋遺歲時酬酢以至壺酒盤餐之惠苟銖粒自門外來莫不登記井井月日可按雖質庫之券歲久淪沒者具有識別一出入合如符契而三年之兼餐并日擘績補苴內無廢事而外無乞貸其竭瘁具見於此學者誠自庚辰至京師初見孺人於南城僦舍嘗與學誠從容語此猶出舊簿以示學誠願孺人願言笑未嘗自表暴獨喜為學

誠言以為生平不苟亦不可使竟無知者方兄之將行如無以活
鬻之可也孺人受而藏之已而典質一空至斷炊終不議及書笈
此兄之歸空橐相對不忍問前事唯唯他語間斷屢瞬前後屬意
在篋笥語人給曰書帖畫售供炊爨矣兄諾惘然出訪諸戚友具
道孺人之所以歸來檢笈則圖書無恙封識猶新始忻然而悅亦
未嘗不惻然而感也孺人耿介稍隘以為居貧則志不可挫雖至
窮困愈不肯骫骳受勢力遷轉以故三載之中遠近族黨一介取
與悉裁以義然往往持之太過時見廉鐸人輒敬而憚之或以為
言不能改也而施與之際則不屑銖黍校量百錢尺布時時以瞻
族戚之貧者族戚之向不相問者其後亦貧孺人又瞻之惟力是
視孺人生平尤重祭祀自君姑時嘗歸視第病家諱未親與祭君

紹興縣志採訪稿

姑言之孺人即自責自是數十年先世諱日輒先期刻志拜獻未
嘗不親今歲病腫且劇值祀日猶狼狽據地一跪拜喘息哮發數
人扶持之良久乃定則猶奉君姑教也教二女且有家法二女方
孩提見鄰啖果餌則牽衣啼索孺人怒以為艷人所有答之既而
曰嬰兒須養其志為鬻古琴案得錢數貫他日市少物食之戒以
物非己有毋羨也學誠初見二女長者十歲餘次者十歲起坐有
度聞人言勢利背輒笑之至今且十年閨門之內每過不聞人聲
宗叔鑑數稱之已而嘆曰入門若僧寮精舍幽靜之氣森然入人
非居室所宜也然二女俱有母風長適胡未三年卒胡氏人衆言
論多不協自女之死翕然共稱其賢次女在室頗明慧識道理遭
喪哀毀已甚然聞學誠疏行實輒娓娓述孺人之生平凡數十年

遺言逸事覩纓曲盡語中倫要斐惻感動庶幾善述其母氏者嗚呼家風如是是亦可以紀已孺人生于康熙五十四年乙未卒于乾隆三十三年戊子得年五十有四生二十二年歸兄歸十年而遭君姑喪又五年而兄南游越三年乃返返十餘年輾轉窮困未嘗一日寧居而孺人以卒兄痛悼曰吾實負汝吾實負汝嗚呼孺人始生一子繼晟早殤後連舉四女俱不育最後乃得二女長適大興監生胡文銳先卒次許聘涿州附學生趙國泰卒以兄再從弟學誠第三子華綬為之後亦孺人志也初孺人生母張夢比邱尼入室而生孺人孺人不喜為浮屠說以為鬼神夢寐事恍惚也顧生平夢數有徵兄卒未之應城家君欲其盡室以行孺人不可夢陳太孺人撫其膺曰爾當自審家君宦途果不得志又嘗盼兄

紹興縣志採訪稿

遠書夢君舅赤山公云四月某日當至時五月下旬矣書至發函是日書從彼發耳昨歲之春兄改葬兩世考妣于石榴庄既襄事孺人意忽忽不樂謂學誠曰疇昔夢墓門恍惚為寢室入見燈光闇淡中設茵褥者三先姑謂曰此余與陳媼居也其一留以待爾我顧而不答忽著黃衣以返其殆不祥學誠唯唯亂以他語退而憂之次女曰八月之望母疾既困翌日謂我曰昨夢輕身坐佛寺庭中覺諸病盡解脫此身洒然已而退入於幽是何祥耶嗚呼其告之矣 見章學誠實齋文集卷四

道光辛丑英寇至定海葛將軍雲飛率師拒之力戰三晝夜援軍不至遂戰死於東嶽宮將軍有妾容止閑雅而有膽畧聞將軍之死即集他侍妾輩及殘卒數百人乘夜入英壘奪將軍屍歸葬之故里人以比明季之沈雲英汪美孫孝廉為製葛將軍妾歌云舟中陰與東溟接戰血模糊留雉堞廢壘猶傳諸葛營行人尚說張巡妾共道名姝越國生苧蘿村畔早知名自從嫁得浮雲壻到處相隨明月營青油幕底紅燈下緩帶輕裘人雋雅月明細柳喜論兵日煖長楸堪走馬一朝開府海門東歌舞聲傳畫角中不問孤軍懸渤海但思長劍倚崆峒新聲休唱丁都護金盃牙旗多內助虎幄方吹少女風鯨波忽起蚩尤露劍光如雪陳雲高獨鑿凶門

紹興縣志採訪稿

入怒濤誰使孝侯空按劍可憐光弼竟抽刀淒涼東嶽宮前路消息傳來淚如注三千鐵甲竟蒼黃十二金釵齊編素繡旗素鉞雪紛紛報主從來豈顧勳已誓此生拚一死頓教作氣動三軍馬蹏溼盡燕支血戰苦綠沈槍欲折歸元先軫面如生殺賊龐娥心似鐵一從巾幗戰場行雌霓翻成貫月明不負將軍能保國居然女子也知兵歸來腸斷軍門柳犀甲龍旗亦何有不作孤城李侃妻尚留遺憾韓家婦還鄉著取舊時裳粉黛弓刀盡可傷風雨曹娥江上住夜深還夢舊沙場見桐蔭清話

何經文妻呂氏

何母姓呂氏紹興山陰人知黎平府何經文無墨之配也性方嚴有識量年七十餘髮無白者黎明起戒僮婢灑掃周厯厨井間有什器位置失所者皆為正之時仲子燭已貴迎養淮浦官署而呂不自暇逸如此乾隆十有六年七月偶感寒疾以卒年七十有七經文歷知安順石所黎平三府事听斷若神大吏才之嘗令按別郡疑獄多所平反与征烏蒙有功上其名天子將不次擢用會議開通滇大路咸推黎平遂檄飭相視險易及籌所以雇夫役採木石安營汛一切便宜事皆不辭而條上之大吏愈以為才呂聞乃驟諫曰爭人之先易人所難道家之明忌也傾不貲之費務未可必之功讒言之所由興也若乃蒙犯瘴務蹤跡虎狼委身命於

紹興縣志採訪稿

峭壑之間又其後矣不听未幾道成冠蓋行旅皆稱便而縻帑冒功之初已達上前矣尋議削秩令輸還庫金若干不及限者加罪經文憂迫呂又曰毋庸也公可謂勞於職矣不有天平其緩圖之經文故不名一錢而呂又恥私蓄所得俸錢嘗散之族戚雖諸子及婦少賜予至是窘甚遣子燭及第五子烱堂望門告貸以赴官限其後踰道大吏白父冤狀大吏故才經文而媿烱之言乃大悟且悔復薦之朝數奉旨調取引見經文且老善病呂勸弗出大吏者即故相國西林文端鄂公也當呂之命諸子四出也曰行矣勉之長遠而少近燭因走江南未反而經文及呂与家人以事平隸儒寓姑蘇燭乃應故大學士無錫嵇公之聘入幕下尋薦為浙江海防分守迎其親杭州燭山陰人以後曾祖騰蛟開軍府湖南死